



Broj: 04-16-4-892-6/15
Sarajevo, 05.03.2015. godine

Na osnovu člana 70. i člana 69. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

ODLUKU **o poništenju postupka javne nabavke**

I

Poništava se postupak nabavke usluga popravke i održavanja službenih vozila marke ŠKODA.

II

Postupak nabavke iz tačke I ove odluke se poništava do donošenja Odluke o pokretanju ponovnog postupka.

O b r a z l o ž e n j e

Ministarstvo pravde Bosne i Hercegovine je 30.01.2015. godine, pokrenulo konkurentski postupak za nabavku usluga usluga popravke i održavanja službenih vozila marke ŠKODA, i izvršilo objavu na portalu javnih nabavki Agencije za javne nabavke Bosne i Hercegovine, dana 16.02.2015. godine.

16.02.2015. godine, upućeni su pozivi za dostavljanje ponuda sljedećim ponuđačima: „ASA – PSS“ d.o.o., Sarajevo, „AUTODELTA“ d.o.o., Sarajevo i „BOS-MONT“ d.o.o., Sarajevo.

U ostavljenom krajnjem roku za dostavljanje ponuda pristigle su dvije ponude i to od strane sljedećih ponuđača „AUTODELTA“ d.o.o., Sarajevo, Bolnička do broja 11 i „BOS-MONT“ d.o.o., Sarajevo, Aleja Bosne Srebrene 87.

Komisija za javne nabavke (u daljem tekstu Komisija) je pristupila ocjeni ponuda i utvrdila da ponude od ponuđača „AUTODELTA“ d.o.o., Sarajevo i „BOS-MONT“ d.o.o., Sarajevo ne ispunjavaju sve formalno-pravne i tehničke uslove navedene u konkurentskom zahtjevu broj: 04-16-4-892-2/15 i da se smatraju neprihvatljivim iz sljedećih razloga:

Ponuda „AUTODELTA“ d.o.o., Sarajevo ne zadovoljava uslove iz tačke 4.1.5.1, odnosno tačke 4.1.6 pod a) konkurentskog zahtjeva nabavke, kojim je propisano da ponuđač može učestvovati u postupku nabavke, ako su u posljednje dvije godine uspješno realizovali najmanje dva ugovora, koji se odnose na popravke i održavanje vozila (predmetnog konkurentskog zahtjeva) ukupne vrijednosti minimalno vrijednosti ponude i da u tom smislu kao dokaz mora dostaviti potpisane i ovjerene potvrde primaoca usluga o uspješnoj realizaciji ugovora koji se odnose na popravke i održavanje vozila (predmetnog konkurentskog zahtjeva). Potvrda treba da sadrži naziv primaoca usluga, naziv isporučioaca, predmet, novčanu vrijednost i vremenski period realizacije. Potvrda mora biti ovjerena pravovaljanim potpisom i pečatom druge ugovorne strane. Potvrde moraju biti originali ili ovjerene kopije.

„AUTODELTA“ d.o.o., Sarajevo dostavila je više potvrda o realizovanim ugovorima, ali potvrde nisu zadovoljile propisane uslove. Naime, u potvrdi „Federalnog ministarstva za pitanja boraca i invalida odbrambeno oslobodilačkog rata“ broj: 01/02-14-889/14 od 23.02.2014. godine navedena je uspješna realizacija ugovora servisiranja vozila marke AUDI i vozila marke ŠKODA sa preciziranom vrijednošću ugovora u iznosu od 6.941, 03 KM bez PDV-a (za usluge autoservisa i opravke motornih vozila marke ŠKODA). U potvrdi jedino nije preciziran vremenski period na koji je sklopljen ugovor o servisiranju.

Međutim, u ostalim potvrdama, nije precizirano da li se održavanje i servisiranje odnosilo i na vozila marke ŠKODA i konkretnu vrijednost ugovora istih servisa za marku ŠKODA, osim u potvrdi „JP Ceste FBiH“ broj: 01-01.1-4440/14 od 28.04.2013. godine u kojoj je navedeno da se sklopljeni ugovor odnosio i na servisiranje vozila marke ŠKODA od strane ponuđača- „AUTODELTA“ d.o.o., ali nije navedena vrijednost na koju se odnosilo servisiranje vozila marke ŠKODA, već samo ukupna vrijednost ugovora za sva servisirana vozila. U potvrdi „Opštine Centar“ Sarajevo broj: 02-1A-98/14 od 03.11.2014. godine, navedeno je da je „AUTODELTA“ pružala usluge servisiranja vozila u vlasništvu „Opštine Centar“, pri čemu se ne vidi da li su servisirana vozila marke ŠKODA i u kom iznosu. U potvrdi „Fondacije za održivi razvoj“ broj: 1-10-1215/1 od 24.04.2014. godine, potvrđeno je servisiranje njihovih službenih vozila od strane „AUTODELTA“ i ukupna vrijednost ugovora, bez preciziranja da li je to uključivalo i vozila marke ŠKODA i u kom iznosu, a nije navedena uspješnost realizacije ugovora. U potvrdi „SICRA SECURITY“ d.o.o., Sarajevo, od 28.08.2014. godine, takođe nije precizirano da li se servisiranje vozila od strane „AUTODELTA“ d.o.o., odnosilo i na vozila marke ŠKODA i u kom iznosu, niti je precizirana uspješnost realizacije ugovora.

Dakle, u potvrdama „Opštine Centar Sarajevo“, „Fondacije za održivi razvoj“ i „SICRA SECURITY“ ne vidi se da li se održavanje i servisiranje odnosilo i na vozila marke ŠKODA, pa ni vrijednost ugovora za navedenu marku vozila, dok je u potvrdi „JP Ceste FBiH“ navedeno da je „AUTODELTA“ vršila usluge održavanja vozila marke ŠKODA, ali nije precizirana vrijednost ugovora za vozilo marke ŠKODA.

Jedino je u potvrdi „Federalnog ministarstva za pitanja boraca i invalida odbrambeno oslobodilačkog rata“, precizirano da se ugovor odnosio i na vozila marke ŠKODA, sa precizno navedenom vrijednošću ugovora i za servisiranje vozila marke ŠKODA.

Iz navedenog prozilazi da „AUTODELTA“ d.o.o., nije priložio potvrde o uspješnoj realizaciji najmanje dva ugovora u posljednje dvije godine, ukupne vrijednosti minimalne vrijednosti ponude, a koji se odnose na servisiranje vozila marke ŠKODA, na koju se odnosio predmetni konkurentski zahtjev, odnosno da ne ispunjava uslove iz tačke 4.1.5.1 konkurentskog zahtjeva. Cijeneći navedeno, Komisija je konstatovala da ponuda „AUTODELTA“ d.o.o., nije prihvatljiva iz prednjih razloga.

Nakon analize i procjene dokumentacije priložene uz ponudu „BOS-MONT“ d.o.o. Sarajevo, Komisija je konstatovala da ponuda ne ispunjava uslove propisane u konkurentskom zahtjevu. Naime, ponuđač je priložio dvije potvrde o realizaciji ugovora o održavanju motornih vozila i to od Ministarstva pravde BiH broj: 04-16-4-1697/15 od 23.02.2015. godine, iz koje se vidi da je „BOS-MONT“ obavljao usluge održavanja i servisiranja službenih vozila marke ŠKODA na osnovu zaključenog Okvirnog sporazuma broj: 04-16-4-4888 ugovor o servisiranju vozila marke ŠKODA sa Ministarstvom pravde BiH, u ukupnoj vrijednosti od 20.000, 00 KM i potvrdu od Ministarstva odbrane BiH broj: 11-03-26-677/15 od 23.02.2015. godine, u kojoj nije precizirana vrsta vozila za koje je sklopljen ugovor o održavanju vozila..

Dakle, ponuđač „BOS-MONT“ dostavio je dvije potvrde, od kojih je jedna prihvatljiva (izdata od strane Ministarstva pravde BiH), a druga izdata od strane Ministarstva odbrane BiH nije, jer se iz druge potvrde izdate od strane Ministarstva odbrane BiH ne vidi da li se ugovor o održavanju motornih vozila u 2014. godini, odnosio i na usluge održavanja i servisiranja vozila marke ŠKODA i vrijednost tog servisiranja, što znači da ponuđač nije dostavio najmanje dvije potpisane i ovjerene potvrde od strane primaoca usluga koji se odnose na servisiranje vozila marke ŠKODA, u zadnje dvije godine, kako je propisano tačkom 4.1.5.1 konkurentskog zahtjeva, odnosno tačka 4.1.6 pod a).

Osim toga, shodno tački 3.2.6 konkurentskog zahtjeva, ponuđač je bio obavezan priložiti važeći cjenovnik usluga sa jasnim normativima iz kojeg bi bilo potpuno jasno koji troškovi spadaju u redovno, a koji u vanredno održavanje, kao i cjenovnik originalnih rezervnih dijelova (prilikom kvara vozila, uzimajući u obzir starost vozila).

Iz dokumentacije priložene uz ponudu „BOS-MONT“ d.o.o., vidljivo je da nije dostavljen cjenovnik usluga u koje spadaju troškovi redovnog i vanrednog održavanja vozila, iz tačke 3.2.6 konkurentskog zahtjeva. Cijeneći navedeno, Komisija je konstatovala da ponuda „BOS-MONT“ d.o.o., nije prihvatljiva iz prethodno navedenih razloga.

Shodno navedenom, Komisija je preporučila ministru pravde Bosne i Hercegovine (Zapisnik broj: 13.5-16-4-892-1/15 od 26.02.2015. godine u prilogu), da se u predmetu nabavka usluga popravke i održavanja službenih vozila marke ŠKODA, donese Odluku o poništenju postupka nabavke.

Uzimajući u obzir naprijed navedeno, odlučeno je kao u dispozitivu Odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti prigovor ministru pravde Bosne i Hercegovine na postupak u pisanoj formi, u roku određen članom 101. Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



MINISTAR

Bariša Čolak

Bariša Čolak

Dostaviti:

- Ponuđačima,
- a/a.